

Warga UMP yang menayakan program berkenaan.

# Tanam 100 anak pokok

Program Inisiatif Hijau indahkan kampus

ROSILAWATI ROSEDI

Seramai 50 warga kerja Universiti Malaysia Pahang (UMP) membabitkan pegawai eksekutif universiti menayakan Program Inisiatif Hijau (The Green Initiative) 1 Kehidupan 1 Tanggungjawab (1Life 1Responsibility) di Rimbulan Cendekia UMP Pekan baru-baru ini.

Program itu anjuran Persatuan Pegawai Tadbir dan Iktisas (PPTI) dengan kerjasama Jabatan Hal Ehwal Korporat dan Kualiti itu.

Dalam program berkenaan peserta bergotong-royong menanam sebanyak 100 anak pokok dari pelbagai

spesies termasuk pokok kelat paya hitam, kayu manis, merawan siput jantan dan keruing neram.

Ketua Pegawai Operasi, Abd Hamid Majid dalam ucapan perasmianya memuji kaktangan terlibat di atas penganjuran program sebegini yang wajar dicontohi dalam menayakan program inisiatif penghijauan kampus selain menggalakan penuntut universiti itu menghargai alam sekitar.

"Program ini juga menyumbang kepada penerafan UI-Green Metric World University Ranking yang sedang dijalankan UMP.

"Ianya dapat memberikan kesedaran dalam diri pegawai tentang pentingnya memulihara alam sekitar dengan menanam pokok bagi tujuan pengudaraan yang lebih bersih dan segar selain

mengenal jenis pokok yang ditanam," katanya.

Jelanya, persekitaran UMP kini lebih indah dengan pokok yang semakin membesar dan keindahan tasik.

"Keindahan ini perlu dkekalkan menerusi tanggungjawab bersama di antara warga UMP.

"Walaupun jenis tanah di UMP ini tidak subur, namun pelbagai usaha warga UMP dengan bimbingan Unit Landskap UMP berjaya menjadikan UMP terus melestarikan kehijauan kampus dan sentiasa indah," jelasnya lagi.

Dalam pada itu beliau menegaskan keindahan kampus juga antara komponen yang dapat menarik minat pelajar untuk memilih universiti ini menyambung pengajian.

Sementara itu, Presiden

PPTI, Arman A Rahim bangga dengan usaha dan komitmen dalam kalangan staf universiti yang telah menayakan program ini secara sukarela.

Menurutnya, program itu dapat merapatkan silaturahmi terutamanya dalam kalangan ahli peratuan dari pelbagai jabatan memandangkan masing-masing sibuk dengan tugas selain mengharapkan lebih banyak program dapat dijalankan selepas ini.

Setakat ini, Rimbulan Cendekia juga menempatkan beberapa pokok yang terdiri daripada cengal, meranti, gaharu, tualang dan kelumpang burung yang ditanam Naib Canselor dan Rektor Universiti Awam menyuarat Jawatankuasa Naib Canselor dan Rektor UA (JKNCR) berdekatan Bangunan Canseleri Tun Abdul Razak sebagai tanda ingatan dan penghijauan kampus.

Ia turut membangkitkan penyatuan semua golongan cendekiawan dalam menyuburkan bidang pendidikan yang selari dengan semangat soaring upwards iaitu slogan bagi Kementerian Pendidikan Tinggi.

50 warga UMP terlibat



Abd Hamid (depan, kiri) menyerahkan pokok kepada Arman sempena Program Inisiatif Hijau (The Green Initiative) 1 Kehidupan 1 Tanggungjawab di Rimbulan Cendekia UMP Pekan baru-baru ini.